

rrapal ni yutas

yutas Walis Nabu' ga, yasa si kaki' sa babaw rgyax. sa 'laqi' cikuy na' qu yutas ga, si cinrapal lmosay ru mnaw' te rgyax. yan rnamuw ngasal na yutas qu kayal. yan rhyal ngasal na yutas qu tanux uzi. yasa wiway qinplan na yutas kwara' qu lelingay rgyax. yan na hzngah babaw kayal. yan na mhoq abaw. qlyan smbu' wagi' lga, yan yungay mthelaw, mkaraw ru mslubay te qhuniq. maki' rapal nya' squ babaw qhuniq uzi. slwan ka byalan na bzngi' ga, yan behuy kinhlngat qu yutas, mthwiru' sa lhlahuy hmbyaw sa para' ru yapit ru bzywak. maki' rapal nya' squ lhlahuy uzi. tuqi mkzi' osa' na qmayah trakis ga, msbebzh mhkani' qu yutas. cyux memaw zzik qinplan nya'. memaw khmay balay rapal na yutas sqpul nya' sa tuqi rgyax ru llyung. qutux qutux qara' ga, yan hing'an inkang na kawas. ryax na pinlqyan yutas. sbaziy na yaya' qutux qu giqas ru blaq na yamil qu yutas. ana kmilun pira' byacing ga, si kyasa kya giqas ru blaq na'. hmswa' lani la mha saku'.nanu yasa, san maku' 'nhyu' gmluw mtzywaw rgyax qu yutas. mhkani' sa tuqi na lmiquy qu yutas lga mhngaw la. ru helaw balay mzyup sa wagiq na lmiquy lozi. ini' kbsyaq lozi. mhtuw tanux ru tmnga' sa lelingay. mtlhbaw mhkani' musa' lozi. "wal inu' yamil ni yutas la?" mha saku'. in_gyut mskongat sa tuqi qu yutas lga, tpucing saku' myup zik na lmiquy. tgyahan maku' lmiquy. ktan ga, nyux inblequn pebkuw sa rhyal qu yamil na yutas. nyux 'mukan cikay na abaw mkzyay. swa' nya' lqingun yamil nya' musa' rgyax qu yutas. mha saku'. ryax na gbyan nasa. mkyamil sa ini' k'uraw na yamil mwah ngasal qu yutas. htqun nya' yamil nya' qu yutas. mnanak kinkrahu' iyal kakay nya'. yan na rgyax qu inbkan pintasan nya'. babaw nya' lga, kyapun mnbu' yutas. si hngaw sakaw la. "pshriq ita' qu yutas la. nway mblaq musa'." sp'aras ni yaya' qutux spyang giqas ru krahu' na yamil qu yutas. ptalam pkyamil ni yaya' qu yutas. sqawn ni yutas mha, "laxi saku' pkmili yamil. pgzywaw saku' rgyax mkyamil saku' la." ki'a pira' ryax lga, wayal qu yutas la. si nha' say inlungan nya'. ini' nha' pkmili balay trang mshriq sa babaw cinbwanan qu yutas. misu qani. blaq maku' msquli' tmnga' babaw kayal. qutux qutux kobu' na yulung, yan na khmay rapal na yutas. ki'a cyux mqas lmosay sa lhlahuy ru gegong qu yutas la.

阿公的腳印

阿公 Walis Nabu' 他一直都住在之上，當阿公還是小孩子的時候，一直都是打著赤腳在山上走動玩耍。住在森林中根本不需要搭蓋獵寮，因為都已經習慣在山上活動啊！所以天空就好像是阿公家裡的屋頂一樣，地上就好像

是阿公家裡的操場一般，周圍的山幾乎都遍滿了阿公的腳印，天上的星星在他眼中，就像是飄落下來的樹葉一樣。當白晝太陽照亮時，他就像猴子那麼的輕快，在樹上攀爬、盪鞦韆。整片樹林他連一棵都沒有放過。凌

晨天還未亮，就不見阿公的蹤影，連在山上，族人們都稱他像風一樣穿梭在森林中追逐著野獸。森林中也有他的腳印。阿公穿梭在往小米田園的路上來來回回踩過的痕跡都顯得很深，在山路上以及河川之間所踩的每一個腳印就像是歲月蓋上去的章一樣。阿公這一生，母親買了一雙又新又好的鞋子送給他，可是他穿了好幾個月，鞋子卻一如原來的樣子那樣新。我心想：「這是怎麼一回事呀！」於是我就悄悄的跟蹤阿公去山上工作，當阿公走道芒草的地方時，他的腳步卻停了下來，然後快速的鑽進高高的芒草裡面，沒多久，他就出來，向周圍探望了一下，然後又繼續往山上走去。「ㄟ～！阿公的鞋子呢？」我心想著。等阿公的影子漸漸消失在路上之後，我就跟著進入芒草裡面進去。當我撥開芒草一看，阿公的鞋子好好的並排擺在地上，用簡單的乾乾的葉子覆蓋著。「阿公為何去山上要把鞋子藏起來？」我這樣想著。當天晚上阿公穿著絲毫沒有髒的鞋子回到家，當他把鞋子脫下來之後，我才發覺他的腳出奇的大，訂出現兩條排列著的紋路。後來阿公生病了，他就一直躺在床上休息。「阿公快要離開我們了！希望阿公能好好走！」媽媽買了一雙又新又好的鞋子送給阿公，並且給阿公試穿，阿公將媽媽的手撥開，說：「不要給我穿鞋子，不然我在山上會迷路。」過了幾天後，阿公走了！我們就隨著他的意思，在他離開世上的那一天就沒有給他穿鞋子。最近我老是喜歡抬頭望著天空。看著那一朵朵的雲窩，就像阿公厚厚的腳一樣，我想阿公在天上一定很高興的在森林或河川走動吧！